

以咎經方故經方避居日本爲此狡獪後汝謙仕官頗達經方之力爲多而其弟汝恆亦善張道東酒酣耳熟輒罵合肥故不爲所喜焉

楊中丞選孫

德興楊靖伯中丞重雅撫廣西時臨桂張季端學使建勳方爲諸生應書院試屢列高等中丞奇賞之嘗召入節署與文謙既謂其長子婦曰張秀才溫文爾雅前程未可量若有女曷以妻之長婦曰張乃某街糕餅肆子也奈何以中丞孫偶餅師兒乎中丞又繩張於次子婦次婦曰翁謂可壻即壻之耳何敢違遂贅以女楊氏子姓皆鄙侮之張頗不能堪中丞因資以金使歸及己丑科張以一甲第一人及等而中丞已歸道山不及見矣中丞長子婦之女後適黃縣賈相國家其媚名位皆不顯且夫婦俱早卒

記容閔

客有談容閔事者聞之使人感喟不已故特泚筆記之容閔粵東人年七歲即學於英教士之門十三從美教

士普拉溫普愛其才攜之回國使就學於葉爾大學時年十九後七年畢業回籍又十年始受知於曾湘鄉同治中創機器局於江南上海等處曾使容赴美購置物料容因建議遣送華人子弟遊學美國曾氏納之遂使容監督學生兼充駐美副使適華工在秘魯古巴諸國受虐待事聞中朝使容就近往查屬實遂禁止移民秘魯已而曾死李合肥當道國論一變召游美學生回國皆未成學容大失意遂留美廿年不還先是容已娶美婦舉二子今皆卅餘歲矣甲午之役容雖在海外然仍不忘故國時張南皮主持戰論其幕客某與容識容乃因之獻策於張其一曰請親赴倫敦借款一千五百萬弗購辦現成鉄甲艦三四隻招借洋兵五百由太平洋出拊日本之背以阻其西侵之勢其二曰借款歐洲某國四億弗以臺灣爲抵押九十九年還清大興海陸兩軍以挽頽勢張納第一策飛電促赴英容急詣倫敦就富商謀之富商咸欲以海關爲抵合肥與赫德皆不欲議將成而寢後數年日皇簡兒玉中將爲臺灣總督一

日有白髮短軀者來投刺書容閱兩字兒玉出見之極道傾慕之意已而曰今竊爲足下危者一事容不解促膝問之兒玉曰前者浙閩總督致書言容閱苟來請捕拿解交蓋謬傳容爲康黨也兒玉語已竊窺容色容不稍動曰公欲捕我固無所逃命矣雖然我爲祖國謀爲忌者所中此士之榮也兒王笑曰我不爲貴國捕吏請足下勿慮因出報紙一張示之曰此事爲何人提倡蓋所錄者即容向所建第二策也容受之讀竟曰此非他人即我之策也舉右手叩其胸者三乃繼語曰此言借款億弗非事實也吾欲借者特其半耳兒玉笑而領之容曰他日苟臨國難吾將復建此策人不能奪吾志也時兒玉將東歸勸容俱往容適患喘不果行居數日遂詣香港兒玉派兵四人晝夜爲之警護已而容自著小傳紀此事曰余於兒玉總督雖僅傾蓋之交然實余終身知己也其於湘鄉尤極推服傳中亦屢言及之今容年八十餘淪落海外日惟以著述自遣亦良可憐矣

明桂王致吳三桂書

有明末造史忠正致睿親王一書膾炙人口婦孺輩類皆耳熟能詳幾於口角流沫右手胝矣不知明桂王亦有致吳三桂書一通正義詞嚴光薄日月其詞鋒犀利與史忠正之婉轉陳詞一紆緩一悲壯允推異曲同工乃傳而今日若與草木同腐也者殆文字之間亦果有幸有不幸與急甄錄之以廣流傳順治十八年十一月明桂王敗走入緬甸在緬之緒脛使人致書於吳三桂曰將軍新朝之勛臣舊朝之重鎮也世膺爵秩藩封外疆烈皇帝之於將軍可謂甚厚詎意國遭不造闖賊肆惡突入我京城殄滅我社稷逼死我先帝殺戮我人民將軍志興楚國飲泣秦庭縞素視師提兵問罪當日之本衷原未泯也奈何憑藉大國狐假虎威外施復仇之虛名陰作新朝之佐命逆賊授首以後北方一帶土宇非復先朝有也南方諸臣不忍宗社之顛覆迎立南陽何圖衽席未安干戈猝至宏光殄祀隆武就誅僕於此時幾不欲生猶暇爲宗社計乎諸臣強之再三謬承先緒自是以來一戰而楚地失再戰而